



Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

Broj: 06-11-873-14/22
Sarajevo, 01.02.2023. godine

Na osnovu člana 64. stav (1) tačka b), člana 70 st. (1), (3) i (6) Zakona o javnim nabavkama („Službeni glasnik Bosne i Hercegovine“, br. 39/14 i 59/22) i člana 8. stav (2) tačka d) Pravilnika o uspostavljanju i radu komisije za nabavke („Službeni glasnik Bosne i Hercegovine“, broj 103/14), na Preporuku Komisija za nabavku, broj: 06-11-873-12/22 od 26.01.2023. godine, u postupku javne nabavke roba: „Nabavka bagara“, direktor Kantonalne uprave civilne zaštite Kantona Sarajevo, donosi

ODLUKU O IZBORU NAJPOVOLJNIJEG PONUĐAČA

Član 1

Prihvata se Preporuka Komisija za nabavku, broj: 06-11-873-12/22 od 26.01.2023. godine za LOT 1 – Mini bager utovarivač-rovokopač i Ugovor o nabavci i isporuci mini bagera utovarivača-rovokopača, dodjeljuje se izabranom ponuđaču Teknoxgroup BH d.o.o. Sarajevo, ponuda, broj: TG 1701-1-23/MA, za ponuđenu cijenu od 104.900,00 KM bez PDV-a, kao najpovoljnijem ponuđaču.

Član 2.

Izabrani ponuđač je dužan da u roku od 5 dana od dana zaprimanja obavještenja o rezultatima ovog postupka javne nabavke (Odluke o izboru najpovoljnijeg ponuđača), dostaviti sve dokaze o kvalifikaciji (dokaze lične sposobnosti) koji su traženi kao uslov za učešće u ovom postupku javne nabavke, ukoliko isti nisu dostavljeni uz ponudu i to na način i u formi kako je zahtijevano tenderskom dokumentacijom za predmetni postupak javne nabavke, broj: 06-11-873-5/22 od 16.11.2022. godine, broj: 06-11-873-8/22 od 22.11.2022. godine i broj: 06-11-873-10/22 od 27.12.2022. godine.

Član 3.

Prijedlog Ugovora o nabavci i isporuci mini bagera utovarivača-rovokopača, dostavit će se na potpis izabranom ponuđaču u roku utvrđenim Zakonom o javnim nabavkama („Službeni glasnik Bosne i Hercegovine“, br. 39/14 i 59/22).

Član 4.

Ova Odluka će se u skladu sa članom 70. stav (6) Zakonom o javnim nabavkama objavit na web stranici Kantonalne uprave civilne zaštite Kantona Sarajevo (www.kucz.ks.gov.ba) i to istovremeno s upućivanjem ponuđačima koji su učestvovali u postupku javne nabavke.

Član 5.

Za realizaciju ove Odluke zadužuju se Kantonalna uprava civilne zaštite Kantona Sarajevo i Ministarstvo finansija Kantona Sarajevo, svako u okviru svoje nadležnosti.

Član 6.

Ova Odluka stupa na snagu danom donošenja i dostavit će se u skladu sa članom 71. stav (2) Zakonom o javnim nabavkama svim ponuđačima koji su učestvovali u postupku javne nabavke.

O B R A Z L O Ž E N J E

Postupak javne nabavke roba: „Nabavka bagera“ – LOT-a 1 – Mini bager utovarivač-rovokopač, pokrenut je Odlukom o pokretanju postupka javne nabavke, broj: 06-11-873-5/22 od 16.11.2022. godine, broj: 06-11-873-8/22 od 22.11.2022. godine i broj: 06-11-873-10/22 od 27.12.2022. godine

Postupak predmetne nabavke sproveden je putem otvorenog postupka javne nabavke.

Procijenjena vrijednost javne nabavke mini bagere utovarivača-rovokopača bez PDV-a je 105.000,00 KM.

Komisija za nabavku je imenovana Odlukom, broj: 06-11-873-1/22 od 12.07.2022. godine i broj: 06-11-873-3/22 od 25.07.2022. godine.

Obavještenje o nabavci, broj: 282-1-1-54-3-35/22, objavljeno je dana, 16.11.2022. godine na Portalu javnih nabavki, kao i tenderska dokumentaciju za predmetni postupak javne nabavke u sistemu „E-nabavke“, dok je sažetak Obavještenja o nabavci poslala na objavu Službenom glasniku Bosne i Hercegovine, koje je objavljeno u „Službenom glasniku Bosne i Hercegovine“, broj 77/22, dana, 28.11.2022. godine.

Ispravka za Obavještenje o nabavci, broj: 282-1-1-54-8-36/22, objavljeno je dana, 27.11.2022. godine na Portalu javnih nabavki kao i izmjene tenderske dokumentacije za predmetni postupak javne nabavke u sistemu „E-nabavke“, dok je sažetak Obavještenja o nabavci poslala na objavu Službenom glasniku Bosne i Hercegovine, koje je objavljeno u „Službenom glasniku Bosne i Hercegovine“, broj 78/22, dana, 02.12.2022. godine.

Izmjene tenderske dokumentacije za predmetni postupak javne nabavke, objavljene su dana, 27.12.2022. godine na Portalu javnih nabavki.

Komisija za nabavku dostavila je dana, 27.01.2022. godine direktoru Kantonalne uprave civilne zaštite Kantona Sarajevo, Zapisnik o pregledu i ocjeni ponuda broj: 06-11-873-11/22 od 26.01.2023. godine, Preporuku ugovornom organu broj: 06-11-873-12/22 od 26.01.2023. godine i Izvještaj o provedenom postupku javne nabavke broj: 06-11-873-13/22 od 31.01.2023. godine.

Na osnovu dostavljenog Izvještaja o provedenom postupku javne nabavke, utvrđeno je da je Komisija za nabavku blagovremeno i pravilno izvršila otvaranje ponuda, pregled i ocjenu prispjelih ponuda o čemu je sačinila Zapisnik sa otvaranja ponuda i Zapisnik o pregledu i ocjeni ponuda u kojima je utvrđeno slijedeće:

- da su u predmetnom postupku primljene dvije ponude;
- da su blagovremeno primljene dvije ponude;
- da nije bilo ne blagovremeno primljenih ponuda;
- da se ponuda ponuđača Ases Team d.o.o. Velika Kladuša odbacuju na osnovu člana 68. stav (1) ZJN iz razloga što navedeni ponuđač nije dostavio tražene dokaze o ispunjavanju uslova tehničke i profesionalne sposobnosti iz člana 49. ZJN i to:
 - Spisak izvršenih ugovora u realizaciji najmanje jednog ili više ugovora koji su u vezi s predmetnom nabavkom, ukupne vrijednosti izvršenog/ih ugovora u visini najmanje 105.000,00 KM bez PDV-a u posljednje tri godine ili od datuma registracije, odnosno početka poslovanja, ako je ponuđač registrovan, odnosno počeo sa radom prije manje od tri godine.
 - Potvrde o uredno izvršenim ugovorima od druge ugovorene strane ili izjava privrednog subjekta o uredno izvršenim ugovorima, uz dokaze o učinjenim pokušajima da se takve potvrde osiguraju nisu dostavljeni na način kako je zahtijevano tačkom 3.3. podtačkom a) tenderske dokumentacije za predmetni postupak javne nabavke kao i njenim izmjenama.
 - Iz kataloga sa prospektnom dokumentacijom i slikama ponuđene robe koje je dostavio navedeni ponuđač se jasno vidi da ponuđena roba ne zadovoljava sve zahtijevane tehničke karakteristike, iz Aneksu VII TD (za stavke pod R. br. 5., 7. i 8 ponuđeno je manje nego što je traženo TD, a za stavke pod R. br. 10. i od 19. do 29. se ne može utvrditi da ispunjavaju zahtijevane tehničke karakteristike tenderskom dokumentacijom za predmetni postupak javne nabavke kao i njenim izmjenama).
 - Ovjerene kopije certifikata ISO 3471 ROPS – sistem zaštite od prevrtanja ili ekvivalent (jednako vrijedan certifikat) i certifikata ISO 12117 TOPS – zaštitna konstrukcija od padajućeg objekta ili ekvivalent (jednako vrijedan certifikat) nisu dostavljeni na način kako je zahtijevano tačkom 3.3. podtačkom c) tenderske dokumentacije za predmetni postupak javne nabavke kao i njenim izmjenama.
- Da je ponuda ponuđača Teknoxgroup BH d.o.o. Sarajevo, kvalifikovana i prihvatljiva, da ispunjava sve zahtjeve i kriterije koji su traženi tenderskom dokumentacijom za predmetni postupak javne nabavke, broj: 06-11-873-5/22 od 16.11.2022. godine, broj: 06-11-873-8/22 od 22.11.2022. godine i broj: 06-11-873-10/22 od 27.12.2022. godine, te da su dostavljeni svi traženi dokazi na propisani način.
- Da se prema odredbama člana 3. stav (3) Pravilnika o uslovima i načinu korištenja e-aukcije („Službeni glasnik Bosne i Hercegovine“, broj 66/16), e-aukcija ne može zakazati i održati jer je od primljenih ponuda samo jedna ponuda prihvatljiva, te da se zbog navedenog predmetni postupak javne nabavke okončava u skladu sa članom 69. ZJN.

U postupku donošenja ove Odluke, posebno su cijenjene činjenice da je Komisija za nabavke u skladu sa kriterijima iz tenderske dokumentacije, pravilno i u potpunosti izvršila ocjenu kvalifikovanosti ponuđača, kao i pregled i ocjenu ponuda.

U postupku ocjene provedenog postupka predmetne nabavke, rukovodilac Ugovornog organa nije našao razloge nepravilnosti niti propuste u radu, koje bi eventualno bili osnov za neprihvatanje Preporuke Komisija za nabavku.

Naime, u postupku je ocijenjeno, da je Komisija za nabavku u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama, podzakonskim i općim aktima, te tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen jer je njegova ponuda u ukupnom iznosu od 104.900,00 KM bez PDV-a, prema kriteriju za izbor (najniža cijena) rangirana na prvom mjestu i ispunjava sve uslove zadane u tenderskoj dokumentaciji.

Iz navedenih razloga, primjenom člana 64. stav (1) tačka b), člana 70 st. (1), (3) i (6) Zakona o javnim nabavkama i člana 8. stav (2) tačka d) Pravilnika o uspostavljanju i radu komisije za nabavke, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 10 dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem Ugovornog organa, kao prvostepenog organa i to na način propisan odredbama člana 99. Zakona o javnim nabavkama.

Ugovorni organ će postupati po žalbi na način propisan odredbama člana 100. Zakona o javnim nabavkama.



Dostavljeno:

- Svim ponuđačima
- Sektor za materijalno-finansijske poslove KUCZ KS
- Ministarstvu finansija Kantona Sarajevu
- a/a